

宋真宗御製玉京集卷之五

官五

宋真宗御製玉京集卷之五

官五

告謝詞六道

天

臣早因主宅遂至承祧但思憂勤罔敢逸豫  
荐更歲律馴致成平蓋襲慶於祖宗每推功  
於穹昊爰陟東岱俯順下民殊庭睠懷休祐  
斯及肸蠭無際符瑞荐臻惟仰頌於昭回誠  
不忘於戒懼臣無任懇倒之至謹詞

又

臣纂承鴻業欽奉上天雖萬務憂勤不忘宵



盱而八方清謚實自鑒觀寶符已示於殊禎  
真馭復宣於景命內惟涼薄彌負戰兢但持  
勵翼之懷庶答高明之賜臣無任懇倒之至  
謹詞

玉皇

官五

伏以三界攸宗十方所仰尊惟太上位極高  
真蓋浩劫以難窮固強名之不及臣叨膺寶  
曆嗣撫蒸黎荷茲睠懷蒙被純嘏深惟大幸  
併在眇躬寢寐不遑祇慄無措臣無任懇倒  
之至謹詞

又

伏以造物之源咸歸於大道列真之長是處  
於高天睠祐所臨欽承敢怠內慙涼德叨嗣  
慶基雖已洽隆平而益深祇畏至誠斯罄景  
貺聿垂敢不愈勵精心虔遵寶訓永期昭事

少答顧懷臣無任懇倒之至謹詞

聖祖天尊大帝

伏以高極九天位尊衆聖是推寶命下迨冲  
人若乃銷偃五兵每歸功於道廕懷柔萬國  
實受賜於真庭雖寅畏之常深於德教而何



有屢膺戩穀交霈純禧顧負荷以莫遑惟兢  
惕而彌厚臣無任懇倒之至謹詞

東嶽岱嶽觀

三清

伏以無得而升天所以為大莫知其始道於

官五

二

是居尊竊念祗嗣丕圖荐膺瑞命喬峯拾玉  
已藉於江茅吉壤瘞繒復觀於汾鼎賴高明  
之眷祐俾典禮之昭彰由是瞻紀號之名山  
顧集靈之珍宇式嚴清醮用答鴻休期精意

以洞神竦殊禎而狎至臣無任懇倒之至謹

詞

謝聖祖降臨詞二道

玉皇

伏以無始太虛莫窮真躅含生有象皆被大  
恩萬化推尊百王受命惟沖人之寡薄紹曆  
數之延洪獲蹈真風遐依聖廕清宵警寤遽  
降於靈仙紫殿凝神恭承於祕訓敢不虔遵  
景貺愈勵深衷益脩精潔之儀用伸致謝之  
禮臣無任懇倒之至謹詞

聖祖天尊大帝



伏以治國之基奉天爲大化民之本崇道居  
先在欽翼之不忘故感通而斯至殊祥兆夢  
真馭應期屬清夜之方闌降紫宸而彌乂躬  
宣聖訓昭示靈徵享是不休實軫涼德謹當  
益勤庶政上答洪恩臣無任懇倒之至謹詞

官五

三

祈福庇民詞六道

天

伏以秉茲一氣總彼萬靈實覆育於群生用  
鑒觀於率土竊念鴻基嗣守景貺荐膺雖粗  
致於治平故無忘於惕厲尚虞品彙罔獲晏

安允資下濟之靈俾協咸寧之治是以虔伸  
清醮罄達素衷伏望祥降九清惠流六合星  
躔靡爽年穀有成衡漳泰華之封疆場不聳  
廣漢番禺之域縣道常康凡混車書並消疵  
癘儻荷高明之賜愈增齋慄之心臣無任懇

倒之至謹詞

三清

伏以混元之教無方之神蓋典治於百靈用  
生成於萬有竊念欽承駿命紹撫中區期茂  
育於黎氓但祇畏於穹昊尚虞涼薄罔致隆



平思荐擁於殊禎爰仰祈於純錫是以虔修  
清醮用達素衷伏望玄應昭彰黔民富壽三  
辰順序百穀用成交河遼海之封永通聲教  
五嶺二江之域常獲底寧克協惠綏允資顧  
謁敢勵寅恭之意載求保佑之仁臣無任懇

倒之至謹詞

聖祖天尊大帝

伏以炳煥威靈發撫瑞命精心所仰純錫攸  
臻將下庇於蒸黎實上憑於丕應伏冀人無  
疵癘歲保順成十雨協期五星順軌偃七兵

於率土和一氣於含生清醮宿陳用祈於降  
鑒洪禧載洽允賴於儲休臣無任懇倒之至  
謹詞

又

伏以俯祐蒸民允資神道上迴玄鑒必勵精

中

四

心竊念嗣撫中區內慙闕政去秋多稼頗失  
於歲功今載甫田益虞於天厲是以素衷下  
聲鴻福仰祈伏冀風雨不愆倉箱有望恭俟  
昭彰之應彌增戰慄之懷臣無任懇倒之至  
謹詞

望以天專大帝



聖祖天尊大帝

伏以含生之患雖默定而有期錫類之祥必  
鴻禧而可禱緬瞻戎壘俯介邊陲屬洪潦之  
流行慮群倫之失所將祈景貺敢薦精衷庶  
洞照於寅威用誕敷於祉福俾民災之弭息

賴天祐之昭彰臣無任懇倒之至謹詞

太清宫

聖衆

竊念猥以眇躬紹臨大統荷百靈而降鑒俾  
九寓以咸宜瞻瀨水之福庭有清都之祕館

實昭介祉俯庇含生是以祇遣廷臣遠伸潔  
醮載形容䟽聿道丹衷冀不昧於至神用誕  
敷於景貺臣無任懇倒之至謹詞

謝天禎節詞一道

聖祖天尊大帝

官五

五

伏以明靈之顧既昭昭而下臨祇畏之心乃  
乾乾而上達向者長嬴之月鬱蒼之區方展  
於元封荐頌於祕檢紀茲令序用志於延祥  
錫以繁禧彌彰於降鑒載臨吉日虔仰清都  
敢伸昭薦之精衷益佇來同之美應臣無任



懇倒之至謹詞

會靈觀興工詞一道

伏以靈鑒錫符荐承於丕應精心報貺實罄  
於至誠竊念躬接誨言眇聞鴻緒肇建集真  
之宇用昭長發之符爰揆日以聚工遽延祥

而介祉緬瞻恭館仰謝繁禧期貯蠻以下垂  
庶靖恭而上達臣無任懇倒之至謹詞

景靈宮興工詞一道

玉皇

伏以僊遊昭格恭覲於睟儀寶誦欽承緬聞

於不緒荷發祥而斯在期錫類以無疆乃葺  
宇於福庭佇降真於霄極庶工經始慎考於  
元辰嘉應流禎誕昭於景貺敢虔伸於精意  
用祇答於明禎臣無任懇倒之至謹詞

皇子生辰詞二道

天

伏以臣紹膺元曆實愧眇冲獲茂本枝允昭  
貺施瞻言孺子荐屆生辰承保佑之至靈克  
諧安乂感高明之介祉益勵寅恭敢罄達於  
精衷冀永敷於純錫臣無任懇倒之至謹詞



玉皇

伏以臣紹膺命曆實荷慶靈仰上帝之眷懷  
俾本枝之蕃茂春言繼體俯及勝衣屬生日  
之戒辰感神心之降鑒敢伸精意用答鴻禧  
庶曲茂於延祥俾永膺於介福臣無任懇倒  
之至謹詞

官五

六

祀事祈晴詞一道

三清

伏以妙道無方至神虛受獲膺保佑諒在虔  
恭比者言徇輿情恭修潔祀將川塗而載涉

恐雨雪以交零致茲扈從之人因乃泥塗之  
事敢伸精意冀格丕休庶自啓行暨臨旋蹕  
克免常陰之患允彰降鑒之靈臣無任懇倒  
之至謹詞

為蟲螟詞二道

三清

伏以強名之道與太始以俱生不宰之神蓋  
群倫而總治竊念恭膺命曆唯務戰兢惠養  
黎元常期昭泰眷都畿之接壤屬農事之方  
興遽產飛蝗漸傷多稼實仰資於天鑒用俯



殄於人災是以祇竭素衷上祈丕應伏望清  
都降祐金闕儲祥俾疵癘之咸消使和平之  
溥洽明明之福儻荷於來成慄慄之心愈思  
於若厲臣無任懇倒之至謹詞

玉皇

官五

七

伏以百神受職咸聽於上靈萬彙化成並資  
於至道洪惟丕應實顯洪休竊念祇嗣慶基  
有慙涼德惟精心而自勵庶和氣以常臻屬  
以都畿暨茲關輔顧農耕而屆候遽螟螣而  
為災思上格於明徵敢下伸於精意庶膺純

錫以兆豐年伏望玄感升聞紫清委鑒俾嘉  
生之並育致率土之咸寧蠢爾之民儻承於  
保佑惕然之志愈積於嚴恭臣無任懇倒之  
至謹詞

為迎鑄聖像詞一道

天

伏以比者擇福地而範鎔允成肖像詔輔臣  
而迎奉仰祝降禎膺顧誕以誕敷錫福禧而  
紹至明靈眷祐景物清和跋履咸宜荐承於  
昭鑒至虔報貺愈勵於精心臣無任懇倒之



至謹詞

為聖像在路詞二道

天

伏以殊庭肇建答眷佑之靈真御仰摹勵欽  
崇之意元辰協吉迎奉戒期丕應延祥感通

實冀適當煩暑常保清和俾跋履之咸宜繫  
高明而錫祐臣無任懇倒之至謹詞

三清

伏以誕膺眷祐祗竭誠明恭館肇新用昭介  
社睟容虔寫獲觀成功揆吉日以在辰奉真

儀而戒路伏冀鬱蒸靡盛氣序咸和俾利涉  
之攸宜彰炳靈之降鑒臣無任懇倒之至謹  
詞

景靈宮興

謝祥瑞詞二道

天

官五

伏以昭彰之應允協於有孚齋慄之心實增  
於無斃竊念僊遊俯降寶緒欽承佇飈駕以  
常迴法琳宮而必葺繕完茲始符瑞荐臻由  
是緬望殊庭恭伸精意冀答三神之祐益期  
百福之臻臣無任懇倒之至謹詞



又

伏以真馭下臨奉睟儀之炳煥鴻源述示承  
丕祐之昭彰既寶誨而欽承故純禧而仰答  
擇神區之爽塏建恭館之密清初吉在辰方  
興於庶役維祺協應爰覩於嘉祥敢伸勵翼  
之心用報紛綸之祉臣無任懇倒之至謹詞  
謝祀汾陰禮成詞二道

東嶽王母殿

伏以龜臺福地夙挺神居日觀喬峯下迴僊  
馭靈遊所屬善應實昭昨以祇答珍符虛人修

封祀俄慰，後來於西土復祈介福於方丘。俾  
茂典之有成，賴殊休之伸錫。是以遐瞻祕宇，  
恭薦精衷。期玄感以紹臨，庶鴻禧之永洽。臣  
無任懇倒之至謹詞。

泗洲塔下

官天

九

伏以化流真俗，惠浹人天。奠五達之名區，挺  
百常之寶塔。昨以時巡冀壤，親祀坤靈。典禮  
咸昭，書文無外。荷明祇之協吉，資大士之儲  
休。是以遐薦精衷，用疇介福。冀悲心之不捨，  
俾繁祉以荐臻。臣無任懇倒之至謹詞。



聖祖天尊大帝

伏以長發之符啓鴻源而有自來成之佑昭

丕應以無方膺貺施以荐臻勵齋明而斯積

屬以睟容作繪祕宇延真祇慄于中奉蕭薌

而增惕監觀在上迴欵駕以儲祥玉羽群嬉

瑤觴徧舉緬懷錫類實用戰兢恭答凝禎豈

忘欽翼敢罄伸於精意庶仰答於景靈臣無

任懇倒之至謹詞

宋真宗御製玉京集卷之五

宋真宗御製玉京集卷之五



